

obviare volentes, statim, ut in prerogativam Domini generalis, exactionem tributorum & censuum præcedat solutio decimarum, vel saltem hi, ad quos census & tributa indecimate pervenerint, quoniam res cum onere suo transiit, ea per censuram Ecclesiasticam decimare cogantur Ecclesiis, quibus iure debentur.

C. cum non sit 33, de decimis. Similiter neque semel impensum, neque alias expensas deducere de prædialibus decimis licet, c. non est 22. & c. tua nobis 26. eod. tit.

Can. LV. Nuper Abbates Cisterciensis Ordinis in generali Capitulo congregati ad commotionem nostram provida staverunt, ne de cetero fratres ipsius Ordinis emanat possessiones, de quibus decime debentur Ecclesiis; nisi forte pro Monasteriis noviter fundandis. Et si tales possessiones eis fuerint pia fidelium devotione collate, aut empta pro Monasteriis de novo fundandis, committant excolendas aliis, a quibus Ecclesiis decime persolvantur; ne occasione privilegiorum suorum Ecclesie ulterius pragraventur. Decernimus ergo, ut de alienis terris, & amodo acquirendis, etiam si eas propriis manibus aut sumptibus deinceps excolerint, decimas persolvant Ecclesiis, quibus ratione prædiorum antea solvebantur, nisi cum ipsis Ecclesiis aliter duxerint componendum. Nos ergo statum ejusmodi gratum & ratum habentes, hoc ipsum ad alios Regulares, qui gaudent similibus privilegiis, extendi volumus & mandamus, ut Ecclesiarum Prælati priores & efficaciores existant ad exhibendum eis de suis malefactoribus iustitiam complementum: eorumque privilegia diligentius & periculose studeant observare, c. nuper Abbates 33. de Decimis.

38. Cap. LVIII. Quod nonnullis est Religiosis indultum, in favorem Pontificalis officii ad Episcopos extendentes, concedimus, ut cum commune terre fuerit interdictum, excommunicatis & interdictis exclusis, possint quandoque januis clausis, suppressa voce & non pulsatis campanis celebrare Officia Divina; nisi hoc ipsum eis expresse fuerit interdictum. Verum hoc illis concedimus, qui causam aliquam non præstiterint interdictum, nec quidquam doli vel fraudis ingesserint, tale compendium ad iniquum dispendium pertrahentes.

C. quod nonnullis, de privileg. Verum quod hic in privilegio conceditur Episcopis, verum est in ejus commune per constitutionem Bonifacii: qua etiam revocantur privilegia præcedentia Religiosis indulta circa exemptiones ab interdictis. Ea vero constitutio multum de antiqua interdictorum severitate remittit, concedens ut tempore interdicti admittantur ad penitentiam non tantum periculose ægrotautes, sed quilibet etiam sani, dummodo non sint excommunicati, & dummodo causam interdicti non dederint; tales enim non sunt admittendi, nisi pro tempore satisfaciatur quantum valebunt: & in quo non valent, cautionem in futurum dent quantum valebunt: & si non aliam possunt, saltem juratoriam. Indulget præterea ut durante interdicto, Missæ & divina officia etiam sub pœna amissionis distributionum celebrentur in Ecclesiis a Clericis, qui causam interdicti non dederunt: excluso populo, januis clausis, sine campanarum sono, submissa voce ac sine cantu. Permittit vero ut quater in anno, scilicet in festivitibus Natalis Domini, Paschæ, Pentecostes, & Assumptionis Virginis Mariæ, campanæ pulsentur, & januis apertis alta voce divina Officia solemniter celebrentur, etiam personis interdictis admittis, non tamen Altari appropinquare remissis illis, quorum excessus interdicti causam dederit: ceteris ob reverentiam dictarum solemnitatum præfatis diebus participatio permittitur divinum. Hac sanxit Bonifacius VIII. c. alma mater, de sent. excom. in 6.

Can. LX. Accedentibus ad nos de diversis mundi partibus Episcoporum querelis, intelleximus graves & grandes quorundam Abbatum excessus, qui finibus suis non contenti, manus ad ea qua sunt Episcopalis dignitatis, extendunt, de causis matrimonialibus cognoscendo, injungendo penitentias publicas, concedendo etiam indulgentiarum litteras, & similia præsumendo; unde contingit interdum, quod viscat Episcopalis auctoritas apud multos. Volentes igitur in iis & Episcoporum dignitati, & Abbatum providere saluti præfatis decreto firmiter prohibemus, ne quis Abbatum ad talia se presumat extendere, si proprium voluerit periculum evitare: nisi forte quisquam eorum specialiter concessione, aliave legitima causa super hujusmodi valeat se tueri. c. accedentibus, de exce. Prælat.

39. Can. LXI. In Lateranensi Concilio (scilicet sub Alexandro III. c. 9.) nescitur fuisse prohibitum, ne quilibet regulares Ecclesias, seu decimas sine consensu Episcoporum de manu accipere præsumant laicali; ne excommu-

niciatos, vel nominatim interdiktos admittant aliquatenus ad Divina. Nos autem id fortius inhibentes, transgressores condigna curabimus animadversione puniri. Statuentes nihilominus, quatenus in Ecclesiis, qua ad ipsos pleno iure non pertinent, juxta ejusdem statuta Concilii, Episcopis instituendos Presbyteros repræsentent, ut illis de plebis cura respondeant, ipsis vero pro rebus temporalibus rationem exhibeant competentem: institutos vero remove non audeant Episcopis inconsultis. Sane adicimus, ut illos repræsentare procurent, quos vel conversatio reddidit notos, vel commendat probabile testimonium Prælatorum.

C. in Lateranensi, de præbend. Similiter Urban. III. ita sancit de Capellis Mona. c. 1. In Ecclesiis ubi Monachi habitant, populus per Monachum non regatur, sed Capellanus, qui populum regat, ab Episcopo per consensum Monachorum instituatur. Ita ut ex solis Episcopi arbitrio tam ordinatio eius, quam depositio, & totius vite condicatur conversatio.

Can. LXII. Cum ex eo quod quidam Sanctorum reliquias exponant venales, & eas passim ostendant, Christiana religioni sit detractum sepius, ne deturbatur in posterum, presentis decreto statuimus, ut antiquæ reliquie amodo extra capsam non ostendantur, nec exponantur venales. Inventas autem de novo nemo publice venerari præsumat, nisi prius auctoritate Romani Pontificis fuerint approbate. Prælati vero de cetero non permittant, illos, qui ad eorum Ecclesias causa venerationis accedunt, vanis figmentis aut falsis decipi documentis, sicut & in plerisque locis occasione questus fieri consuevit. Eleemosynarum quoque questores, quorum quidam se alios mentiendo abusiones nonnullas in sua predicatione proponunt admitti, nisi Apostolicas, vel Diocesani Episcopi litteras veras exhibeant, prohibemus; & tunc præter id quod in ipsis continebitur litteris, nihil populo proponere permittantur. Formam vero quam communitè talibus Apostolica sedes indulget, duximus exprimendum, ut secundum eam Diocesani Episcopi suas litteras moderentur. Ea squidem talis est.

Quoniam, ut ait Apostolus, omnes stabimus ante tribunal Christi, recepturi prout in corpore gestimus, sive bonum, sive malum fuerit, oportet nos diem missionis extreme misericordie operibus prævenire, ac æternorum intuitu seminare in terris, quod reddente Domino cum multiplicato fructu colligere debeamus in calis, firmam spem fiduciamque tenentes, quoniam qui parce seminat, parce & metet, & qui seminat in benedictionibus, de benedictionibus & metet in vitam æternam. Cum igitur ad sustentationem fratrum & egenorum ad tale consuetum hospitale proprie non suppetant facultates, universitatem vestram monemus & exhortamur in Domino, atque in remissionem vobis injungimus peccatorum, quatenus de bonis vobis a Deo collatis elemosynas, & grata eis caritatis subsidia erogetis, ut per subventionem vestram ipsorum inopia consulatur: & vos, per hæc & per alia bona, que Domino inspirante feceritis, ad æterna possitis gaudia pervenire.

Qui autem ad querendas elemosynas destinantur, modesti sint & discreti, nec in tabernis aut locis aliis incongruis hospitentur, nec invidiosas aut sumptuosas expensas; caventes omnino, ne falsa Religionis habitum gestent. Ad hæc, quia per indiscretas & superfluas indulgentias, quas quidam Ecclesiarum Prælati facere non verentur, claves Ecclesie contemnuntur, & penitentialis satisfactio enervatur, decernimus, ut cum dedicatur Basilica, non extendatur indulgentia ultra annum, sive ab uno solo, sive a pluribus Episcopis dederit: ac deinde in anniversario dedicationis tempore quadraginta dies de injunctis penitentis indulgentiarum litteras præcipimus moderari, que pro quibuslibet causis aliquoties concedantur. Cum Romanus Pontifex, qui plenitudinem obtinet potestatis, hoc in talibus moderamen consueverit observare.

Canon iste habetur partim in c. ult. de reliquiis & vener. Sanct. & partim in c. cum ex eo, de penit. & remiss. sed tamen ob frequentiores abusus Concilium Trident. quætorum prædicantium usum penitus abolivit, sess. 15. c. 2. de reform.

Can. LXIII. Sicut pro certo didicimus in plerisque locis, & a plurimis personis quasi columbas in Templo vendentes, sunt exactiones & extorsiones turpes & prava pro consecrationibus Episcoporum, & benedictionibus Abbatum, & Ordinibus Clericorum, estque taxatum quantum sit isti, vel illi, quantumve alteri vel alii persolvendum, & ad cumulum damnationis majoris quidam turpitudinem & pravitatem hujusmodi nituntur defendere per consuetudinem longo tempore observatam. Tantum igitur abolere volentes abusum, consuetudinem hujusmodi, que magis

magis dicenda est corruptela, penitus reprobamus: firmiter statuentes, ut pro iis sive conferendis, sive collatis, nemo aliquid quocunque preterit exigere ac extorquere præsumat: alioquin & qui receperit, & qui dederit hujusmodi pretium omnino damnatum, cum Giezi & Simone condemnentur.

C. sicut, de Simonia. Eodem spectat decretum Tridentinum sess. 21. c. 1. de reform.

40. Can. LXVI. Ad Apostolicam audientiam frequenti relatione pervenit, quod quidam Clerici pro exequiis mortuorum, & benedictionibus nubentium, & similibus pecuniam exigunt & extorquent: & si forte cupiditati eorum non fuerit satisfactum, impedimenta scilicet fraudulenter opponunt. Econtra vero quidam Laici laudabilem consuetudinem eua sanctam Ecclesiam pia devotione fidelium introduxerunt, ex fermento heretica pravitatis nituntur infringere sub preterito canonice pietatis. Quapropter & prava exactiones super his fieri prohibemus, & pias consuetudines precipimus observari, statuentes, ut libere conferantur Ecclesiastica Sacramenta; sed per Episcopum loci veritate cognita compescantur, qui malitiose nituntur laudabilem consuetudinem immutare.

C. ad Apostolicam, de simon. Concilii mens videtur esse, ne Clerici exigant recufando potentibus sacra ministeria, nisi pretium exsolvant; idem indecorum est, & fordes redolet avaritia, præsertim erga pauperes, qui debitis sibi sacris ministeriis per egestatem fraudantur; sed ut Episcopus ex suo officio pias & rationabiles consuetudines suis scriptis constitutionibus roboret, a quibus tamen excipiantur inopes personæ, sed iisdem astringantur locupletes; qui si morosi sint, post exhibita officia, sententis Episcopalis ad exolvendum compellantur. Glossa ipsa ad d. c. ad Apostolicam, de simon. huic explicationi suffragatur.

41. Postremi denum canones a sacro Concilio profusi sunt ad compescendam Judæorum pravitatem. Etenim can. 67. graves & immoderatas usuras, quas Judæi a Christianis extorquent, inhibet. Quia vero plerique Principes damnabili cupiditate perciti, & Christiano nomine indigni, ejusmodi usuras Judæis indulgent adversus Christianos infelices, ut graviora possint a Judæis hac via ditescere exigere tributa; illos officii sui admonet, ac præcipit, ut hujusmodi tæmora Judæorum reptant. Utinam Principes saltem Ecclesiastici huic suo satisfaciendo officio.

42. Can. 68. Judæis peculiarem indumentum gestationem præscribit, quo a Christiano populo ex primo aspectu discernantur; & vetat ne diebus anniversariis Redemptionis passioni destinatis in publicum prodeant; & pœnis plectantur condignis, si qui eorum in Christum passum & crucifixum blasphemant.

33. Can. 69. districte vetat ne Judæi publicis officiis præficiantur; quorum præterito Christianis insultare, atque infesti esse solent.

44. Can. 70. providet, ne conversi ad fidem Judæi quidquam de Judæicis superstitionibus retinere sinantur.

DISSERTATIO SUPER CANONE

Lateranensi LXIV. de pactionibus simoniacis in Monasteriorum ingressu.

1. Canon. 64. quem visum est huc extra suum ordinem distare, ne series Canonum interjecta longiore digressionem interturbaretur, sic effert: Quoniam simoniaca labe adeo plerisque Monialibus infectis, ut vix aliquas sine peccato recipiant in sorores, paupertatis præterito, volentes hujusmodi vitium palliare, ne de cetero fiat, penitus prohibemus: statuentes, ut quocunque de cetero talem pravitatem commiserit, tam recipiens, quam recepta, sive sit subdita, sive prælata, sine spe restitutionis de suo Monasterio expellatur in locum arbitrorum regule, ad agenda perpetuam penitentiam retrahenda. De his autem, que ante hoc Synodale statutum taliter sunt receptæ, ita duximus providendum, ut remote de Monasteriis, que perperam sunt ingressæ, in aliis locis ejusdem Ordinis collocentur. Quod si propter nimiam multitudinem alibi forte nequeverint commode collocari, ne damnabiliter in seculo evagentur, recipiantur in eisdem Monasteriis dispensative de novo, mutatis prioribus locis, & inferioribus assignatis. Hoc etiam circa Monachos & alios Regulares decernimus observandum. Verum ne per simplicitatem vel ignorantiam se valeant excusare, precipimus ut Diocesani Episcopi singulis annis hoc faciant per suas Dioceses publicari.

Cabassatii, Notitiæ Ecclesiasticæ.

C. quoniam, de simonia. Iudabium esse apud omnes debet, committi simoniam, si pacto veretur contributionis temporalis circa ipsum monasterium ingressum, & admissionem ad profitendam Religionem, quandoquidem Religio sacra quædam res est, tam in pauperibus quam in opulentis monasteriis. Atque jure merito damnatur omnis pecuniaria conventio pro admissione in Religionem, etiam in monasteriis quorum opes non sufficiunt ad alendam personam admitti postulantem: juxta decreta sapientissima Concilii Nicæni secundum act. 8. c. 18. & Lateranensis sub Alexandro III. can. 10. & hujus alterius sub Innocentio III. can. 64. Liquido id constat ex ipsa simonia definitione, quæ nihil est, quam rei temporalis contributio pro assequenda re spirituali, & sacra, qualis est ipsa Religio: neque ulla quantumvis arcta paupertas ab hac simonia excusat. Eaque profus est mens hujus Lateranensis constitutionis. Aliud enim est, recipere in monasterium indistincte pretio convento, etiam si monasterium veram præterat inopiam ac insufficientiam opum; & aliud, gratuito & ob solum Dei cultum admittere in Religionem, adeo ut nulla futura esset pactione, sed libens & gratuita admissio, si posset postulans de presentibus monasteriis facultatibus sustentari: sed quia non potest, ob id unum præcise fit pactione pro suppeditandis alimentis: quam utique reum distinctionem pauci adverterunt. Quidam enim recurunt circa hæc verba Canonis, præterita pactionem, ut dicant falsum & mendax fuisse illum prætextum, sic enim exponit Sanctus Raimundus loco mox citando. Alii vero supponentes veram & non fictam paupertatem, dicunt id genus simoniae isto Canone significatum, non fuisse divini seu naturalis juris, sed tantum Ecclesiastici: quod jus & canon & approbata consuetudo possint pari facilitate & statuere & abolere. Itaque non satis est ad evitandam simoniam divino jure prohibitam, si supponas veram Monasterii paupertatem, sed necesse est, ut voluntas admittendi sit utrinque gratuita; voluntas autem pacificendi supra solum alimentorum suppeditandorum ceterorumque temporalium onerum impotentiam ac insufficientiam cadat. Neque enim monasteriorum inopiam justam præbet causam involvendi sub una eademque pactione rei pecunia æstimabiles ipsam admissionem, quæ hac conditione simoniaca foret juri divino adversas.

2. Tres porro invenio Catholicorum Doctorum admodum diversas sententias circa pactiones donationum, quæ fieri solent occasione ingressus in Religionem. Aliqui enim indistincte ac indefinite docent hoc præcise titulo licitum esse pacifici de dote in opulentis Monasteriis. Eorum summa ratio est ista: Quia cum alimenta, reliquaque Monasteriorum onera pecuniarias expensas exigentia sint res mere temporales, nullatenus esse possunt materia simoniae divina lege vetita, si pro his suppleendis conventio fiat. Adduntque ad sua munimen sententiam, in matrimonii fidelium iniri dotales conventiones, & pecuniarias pactiones ad onera matrimonii sustinenda, juxta I. pro oneribus, Cod. de jure dot. etiam in opulentissimis familiis; quæ tamen immunes a labe simoniae sunt, quamvis matrimonium, cui pecuniaria illa conventiones accedunt, non modo sit sacra, sed etiam Scriptura attestante magnum Sacramentum in Christo & Ecclesia, Ephes. 5. v. 32. Hac est opinio Dominici Soto, cui adheret Lessius lib. 2. de Justitia, c. 35. dub. 13. ubi dicendo licitam esse dotis conventionem pro alimentis Monialibus, maxime si monasterium sit tenue, perspicue insinuat in monasteriis commendis hoc licitum esse, sed majori tamen & peculiari ratione in tenuibus. Azorius item t. p. lib. 13. c. 9. q. 1. indistincte approbat istas in Monasteriorum ingressu conventiones, modo pro dote & alimentis fiat pactione, & non præcise pro admissione in religionem. Ceterum mox probabo non valere hanc distinctionem in dicitibus Monasteriis, & postquam Azorius protulit auctoritatem S. Th. 2. 2. q. 100. art. 3. ad 4. reprobantem istas pactiones, si fiant in monasteriis opulentis, respondet ibidem Azorius, hoc genus prohibitionis, atque simoniae non esse nisi Ecclesiastici juris, & non divini, eique a longo annorum decursu receptam ubique locorum oppositam consuetudinem derogasse, ut cessaverit illa priden Ecclesiastica simonia. Eandem sententiam astrunt Sanchez, alique cum Bonac. tract. de Simonia disp. 1. q. 7. §. 4. num. 4. 5. 6. Aliorum opinio, sed paucorum, in extremum oppositum vergit, nullatenus fas esse in quibuscunque monasteriis, sive commendis, sive tenuibus, de pecuniaria contributione stipulari: quæ rigiditas magis in affectu ad extremas quaque severitates confectandas, quam in ulla ratione fundatur, ut ex dicendis perspicuum fiet.

3. Tertia, eaque reliquis duabus longe præferenda sententia, est S. Thomæ, S. Bonaventuræ, S. Raimundi, præcipue celebritatis & sanctitatis Doctorum, simulque